

UGOVOR

za usluge štampanja publikacije „Bilten Ustavnog suda Bosne i Hercegovine za 2014. godinu“

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„ŠTAMPARIJA FOJNICA“ d.d., Prokoški put bb, Fojnica, ID broj 4236045660000, koga zastupa Šehzija Buljina, direktor (u daljem tekstu: **Izvršilac**)

Član 1.

Predmet ovog ugovora je štampanje publikacije „Bilten Ustavnog suda Bosne i Hercegovine za 2014. godinu“ prema definisanim uslovima iz tenderske dokumentacije broj P3-456/15 od oktobra 2015. godine i prema sadržaju ponude Izvršioca broj 274/15 od 26. oktobra 2015. godine, koja je sastavni dio ovog ugovora.

Član 2.

Cijena za štampanje publikacije „Bilten Ustavnog suda Bosne i Hercegovine za 2014. godinu“ prema ponudi Izvršioca iznosi 11,00 KM bez PDV-a za jedan primjerak publikacije, 3.300,00 KM bez uračunatog PDV-a za tiraž od 300 komada odnosno 3.861,00 KM sa uračunatim PDV-om.

Član 3.

Naručilac se obavezuje da će Izvršiocu dostaviti pripremu materijala za štampanje na CD-u.

Izvršilac posla obavezuje se da će izvještavati Naručioca o toku procesa rada i tražiti odobrenje za nastavak rada. Tek kada ovlaštena osoba od strane Naručioca izvrši uvid i odobri štampanje publikacije, Izvršilac posla može pristupiti istom. U slučaju da Izvršilac posla propusti tražiti odobrenje Naručioca i pristupi štampanju, Naručilac će vratiti publikaciju na ponovno štampanje o trošku Izvršioca.

Za kvalitet isporučene publikacije iz člana 1. ovog Ugovora garantuje i odgovara Izvršilac, koji Naručiocu garantuje da publikacije potpuno odgovaraju svim tehničkim opisima, karakteristikama i specifikacijom datom u okviru tenderske dokumentacije Naručioca i Ponudi. Ukoliko se po prijemu konstatuju nedostaci u pogledu kvaliteta isporučene publikacije koja je predmet Ponude, Izvršilac je obavezan da, bez naknade, nedostatke otkloni odmah, a najkasnije u roku od 3 (tri) dana od dana prijema pismenog naloga Naručioca. U suprotnom posao se neće smatrati izvršenim.

Izvršilac se obavezuje da će izvršiti poslove štampanja i isporuke publikacije iz člana 1. ovog ugovora najkasnije 20 dana od dana zaključenja ugovora.

Član 4.

Izvršilac se obavezuje da će po obavljenom poslu izvršiti isporuku publikacija na adresu Naručioca - Reisa Džemaludina Čauševića broj 6, III sprat, Sarajevo.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je robu preuzeo.

Izvršilac će fakturu adresirati na Fondaciju IRZ - Deutsche Stiftung für Internationale Rechtliche Zusammenarbeit, n/r Dr. Stefan Pürner, Ubierstraße 92, 53173 Bonn, Deutschland (u daljem tekstu: Nosilac troškova). Izvršilac će na fakturi obavezno naznačiti i iznos iz člana 2. ovog Ugovora izražen u EUR.

Naručilac se obavezuje da će fakturu proslijediti Nosiocu troškova odmah, a najkasnije u roku od 3 radna dana.

Nosilac troškova će izvršiti plaćanje najkasnije u roku od 5 radnih dana od dana prijema fakture.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima BiH.

Član 6.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od obje ugovorne strane.

Član 8.

Ugovor je sačinjen u četiri (4) istovjetna primjerka, od kojih obje ugovorne strane zadržavaju po 2 (dva) primjerka.


ZA IZVRŠIOCA

Šehzija Buljina
Direktor

Datum: _____

Broj: _____

18.11.2015.



Datum: _____

Broj: P3-456/15-II

16.11.2015.